


5.

BIBLIOTHEK
84-B
T-





18684-B.



The page is framed by an elaborate border. At the top, two cherubs (putti) are shown in profile, one on the left and one on the right, holding long, thin objects. Between them is a central arched medallion containing a cluster of fruit. The sides of the border are decorated with two large, ornate columns. Each column has a capital and a base, and is flanked by decorative scrollwork. At the bottom of the border, there are three cherubs: one on the left playing a lute, one in the center playing a lute, and one on the right playing a lute. The entire page is filled with intricate line work and decorative elements.

Ein kurtz

Regiment auß vil

treffentlichen zůsamen ge,
praechten tractaten ver,
stendiger arzt ge,
zogen / wie sich
zů zeitē der pe
stilentz zů
halten
sey.

Nürnberg. 1520.

pag. 21



Fornemlich vnd vor allen dingen/ver
sone dich mit got deinem schöpffer/als dem rechten warhaf-
sten arzt der selen vñ laß/ der allein kan dich vor ewigē vnd
zeitlichen ferligkeiten bewarē In den wurff durch ein rechte ver-
traulich hoffen/vnd einen vesten gegründten glauben deine ge-
dancē/so würdet er dich gewislich nymer verlassen/dan welcher
durch ein rechtegeordneten glauben sein vertrauen strackē in gott
stelt/dem würdet freud vnd trawen / glück vnd widerwertigkeit/
gesuntheit vnd krankheit/sterben vnd leben/gantz gleich/vnd al-
les das sich in disem leben seiner halben zutrage mag/gantz freu-
denreich vñ annemlich sein. Ine auch die forcht des zeitliche tods
gantz nit erschrecken/vnd darauß volgen/das er mit einem besten-
digen hertze vnd gemüte zu got reden mag/Dir laß ich/dir stirb ich
dein bin ich/tod vnd lebendig. Bey disem arztē such zuuorderst/die
artznei des heils/so mag dir in allem deinem begynnē deſter nutz-
licher egewirige trostung(nit wie wir bitten vnd für nutz vnd güt
erkennen. Sonder was got zu vnſerem heil für das best vnd fruchte-
parſt vor vns ansicht)gedeyen/Du vindest auch alle zeit/deins ge-
wissens vnd laß halben deſter gerweter vnd freyer leben.

Nachuolged such zymliche freud vnd
ergetzūg/fleuße auch trawrigkeit vñ in sonders grossen zorn dan
die seind des menschen natur widerwertig vndein vsach vil zufal-
lender krankheit/vnd zuuor diser zeit hoch zufliehen freud vñ er-
getzung aber/erquickē natürlich die menschlichen gaist vnd alle
glider. Wir haben auch zu mermalen gesehen/das betrübung vnd
trawrigkeit/vnd so der mensch vil vff die starckleufft vnd anders/dz
zußschwerenuß reizt / seine gedanken richt jme vor allen andern
dingen vsachen zum fall vnd diser regierenden krankheit gewest
sein/darumb die verstendigen arzt der gleichen beschwerlich ge-
dancē vnd imagination zum höchsten verbieten.

In disen leufften seind die versamlunge vnd gemeinschaft
ten der menschen hoch zufliehen/dan welcher kan
die vergiffen von den gesunden sünden. Welcher will auch nit
glauben/das ein vergiffter oder kranker/durch sein beywonung/
vnd zuuor in der gleichen grossen versamlungen/Als kirchen / ba-
2 ij

den/ vnd andern/ neben vnd mit jme vil gesunder/ als wir zu vil
malē gesch/ evñ die erfarenheit vnwidersprechlich anzeigung gibet/
vergifften mag/ dann diß ist in sonders ein krankheit/ die vor an-
dern seuchen ein menschen von dem andern mer dan von dem ver-
gifften lufft/ berürt vnd ankumpt.

Darnach sol ein jeglicher/ zuuor der in disen leufften nit flie-
hen mag/ sein pflegliche wouung an einem lusti-
gen end/ also der lufft nit beschlossen oder gefangē ist/ oder da nit
heimliche gemach/ gemeine außgüß/ pfulen/ psützen/ kirchhofe/ flei-
scheiser/ vnd der gleichen stinckende ort gelegen sein/ souer jnemō
glich/ erwelen/ dann aller vñler oder böser geschmack corumpiert
vñ vergifft den lufft/ ob er gleich sunst recht fertig/ ist/ auch des mē-
schen gesuntheit entgegen/ herwiderumb stercke der güt rich men-
schliche natur.

Zu reynigung aber des vergifften oder vnrechtwertigen
luffts/ auß dem sich zu zeiten der pestilenz
die selb krankheit mitt den kleinsten teil meret/ seind allerlei remedia
vor augen/ aber für ander ist nit das wenigst das feur/ das durch
sein krafft vnd würckung zuuor in wynters zeiten vnd an feuchte
tagen/ alle böse tempff vnd vergiftung verzeret/ vnd rechtfertigt.
Ich hab auch in sterbleufften gesehen/ das sich etliche pñster/ so
die kranken mit den heiligen sacramenten versehen/ keines andern
remediums geprauchet/ dann das sie ein dick zusammen geflochten
wachsliecht angezündet/ vnd vor dem mund des kranken gehal-
ten haße/ den vergifftē athem/ vnd die bösen vnrechtfertigē tempff
zuuerzeren. Darumb wer güt in deinem gemach/ doun du wonig
hast/ zuuor wo man mit einem camin versehen) alle tag frue vnd
abents ein feur von wacholter holz/ oder wo du des nit hast/ von
eichen holz zuschuren/ oder sunst alle tag in den hof deins hauß
ein gut hell oder rösch feur zumachen/ die bösen tempff vnd lufft
damit zureinigen. Nachuolgend so magst du dein pfleglich wo-
nung/ auch sunst on geprauchlig des feurs ein mal/ zwey ob drey
im tag mit wolrichēde pulueres bereüchē/ das ist in sonders nutz-
bar vnd gut/ welcher pulueres hernach etliche gesetzt werden/ vnd
öffen dein gemach keins wegs biß die sunn vngewerlich ein stunde
herforn gewesen/ vnd sperr das wider vor nidergang der sunnen/ öf-
fen auch kein venster das gegen mittem tag gelegen/ dann der selb

lufft ist für ander schedlich/ Der wint aber vom auffgang vñ mit
 temache heilsamer vñ minder schedlicher. So auch nützlich seiche
 tag seyen/wer güt dich den selben tag/ oder zum wenigsten früe/
 wo es deiner geschesse halben beschehen möcht/anheymbs in deinē
 hauß vnd bereychten gemach zñenthaltē /oder wo du nit bleybe
 kanst/zum spatesten du magst früe auff den tag aufzugem /Vnd
 zuuor die selbē nütliche tag/vnd so im winter das gemewer pflige
 aufzuschlagen/die kirchen zñfliehen/oder aber nit lang darin zu
 pläßen. Fürkom auch in deiner haußwonūg das die selben zeit nit
 harm/spüel/oder kraut wasser vnd andere vbelschmeckede vñsaw
 berkeit außgegossen/sonder bey nacht außgetragē/vnd dein hauß
 in alle weg rein vnd sauber gehalten werd/dann vñler geschmack
 bringet putrefaction vnd vnrechtfertigung des lufftes.

¶ Vnd zubereichung deiner gemach als /stuben vñnd schlafftka
 mern/darjñ du dein wonung hast/magstu diser pulueres geprau
 chen/ der ein wenig auff ein frische glüt zñthun.

℞. Storiacis calamite	} an. ʒ. ij.	} Ma defiat cū aqua rosarū
A sedulcis		
Ligni aloes		
Laudani		
Garioli		
Cinamomi	} an. ʒ. j.	
Osaletē		

Alius puluis.

℞.	{	Thimiani	}	1. lib.	{	Puluerisetur et misceatur cū aqua rosarū quātū sus ficiet epicētur. et iterū pul uerizetur / fiat fumigatio.
		Olibani		3. ij.		
		Trios		3. i. ʒ.		
		Garioli		3. ij.		
		Solia lauri		1. lib.		
		Grana juniperi				

¶ Ein ander Berührung für arm leut.

Zergemngte oder zerstoßene wachalter bere.
Klein gehackt loßer.
Könnlein abgestreift von wermut.
Schwarzen thymian oder roeyrach.

{ jeglichs als vil als
des andn vñ auff
ein frische glüt ge-
legt.

Fleuhe nachuolgend alle die so mit diser krankheit beladen
oder etliche zeit dauor krank gewesen seyen/des gleichen
die/in deren behausung es gestorben hat/oder die bey vnd vmb die
vergiftten woonung habē/ob du aber dieselbe nit alle fliehe magst
so biß doch gewarnt/dich von iuen zuwendē/ vnd dein angesicht
von dem lufft/ der dir den athem vnder augen treibe/zükren.

So du außgeen wilt/ist nutz vnd not/dich mit wolre-
chenden dingen zusehen / vnd keins
wegs nichten/vnd on sonderliche remedia vnd preseruatiue auß-
zugeen. Vnd soll darnach ein yeder einen wolrechennden apfel / wie
die in dē apotekē auff mancherley weise/auch gar gut gemacht
werden in henden tragen. Aber fürnemlich wüdt durch die versta-
digen der arznei gar hoch geprieß vñd für andere ding gelobt/
das angesicht vnd die hand zu oßtermalē im tag vnd sonderlich
so du an den lufft geen wilt/mit einem guten rosen wasser / vñ dor
unter einen starcken rosen oder malmasier effig/oder sunst einē gut-
ten effig vermengt/zubestreichen/auch sollichs in einem schwen-
lein eingedunckt/beysich zutragen/vnd darzu zuschmecken /oder
weinrautē safft/mit einē gutē effig vermischet/also in einē schwen-
lein zuriechen. Item auff der zungen zitwer / angelica/ vñd zuuor
veyhel wurz/des gleichen camphora getragen/etlich geprauchten
sich/für ein bewert gewiß stück diß remediums /das sie nemē ein
halb seidlein guts gebants weins /vermischē den mit.iiij.lot guts
triackfers/vnd nemen so sie außgeen wölle/an tröpflein oder zwey
auff die zungen/bestreichen auch die naßlöcher damit.

Aber für preseruatiue dem menschen in diser zeit zugeprauchen
werden ansehnlich gelobt Pillule pestilantiales/wie die
apoteker die selbe recht vnd ordenlich zumache wissen / die seind
nuz zum wenigsten ein mal oder zwey/drey stund vor dem friesz-
sen/in der woche eingenommen. Nachuolgende ist gut ein bewerter

oder rechter Tyriack/vñ dan ein mitridat/jedes allein vñbesonder
 ob sie beide zusamē vermische ein halb quintin auff ein mal nūch
 tern einzunemē/ vñ darauff sechs oder syben stundt gefast/vñ nan
 lich winters zeit in einem weissen wein/vnd sumers zeit in einem ro
 sen wasser wol zutreiben/ein mal in der wuchē eingenommen. Bolus
 armenus/ Terra sigillata/Toimentil vnd diptamus seind zu diser
 krankheit gute remedia. Nachuolgēd wūrdt gelobt dises electua
 rium zuuor für die gemeinen leut vnd ehalten. Ein halb pfundt sey
 gen/ein vñdung geschelter welscher nuß/ein lot weinrautē /ander
 halb quintin saltz/dise stück alle klein zerstoßen vnd gehackt /vñ
 mit saworampfer safft/oder wo man den nit habe mag mit zucker
 oder honig vermische/vnd gleich einer latwergē alle tag nüchtern
 einer lesten groß geprauchet. ¶ Item in der wuchen ein mal ein fey
 gen/ein welsche geschelte nuß/vnd dazu ein wenig rauten pletter
 mit saltz vermische also eingenommen ist gut vnnd bewert. ¶ Item
 für sundere preseratiue in diser krankheit seind die zwey cōfect in
 der apoteken nemlich confectio liberantis vnd cordialis vor an
 dern dingen zugebrauchen/die mögen auch zu yeder zeit sm tag ein
 genommen werden. ¶ Item sunst werden in der apoteken zu Lūm
 berg vil guter bewerter electuarien puluer vnd wasser für preserua
 tiue diser krankheiten verordent/gesundē/der sich ein yeder ein mal
 oder zwey in der wuchen seins gefallens gebrauchen mag.

¶ Vnder denen seind dise puluer
 nit die geringsten.

R.	{ Boli armeni preparati et abluti ter. cū aqua			}	fiat pulvis i vino albo et pauco de a qua rosarum dosē ei halb quintlein	
	{ ros. vel acetos. et postea exiccati. 3. j.					
	Radicum tomentille	{	an. 3j.			
	Diptami					
	Sandali rub.					
	Rasure ebolis	{	an. 3. 6.			
	Spody					
	Conicum citri					
	Anthere	{	(tū)			an. 3. j.
	margaritatu splēbida					
	Granati					
	Smaragdi	{				
	Saphiri					
	Jacincti					

¶ Ein ander puluer seer bewert einē ges
 sundten oder vergiffen einzunemen.

R.	Cinamomi	}	3. 6.	Semi citri	}	3. 6.
	Radicum tomentille			Semi acetosi		
	Pipenelle			Boli armeni		
	Genciane			Terre sigillate	}	3. 6.
	Zeduarie			Corticū citri		
	Diptami		an. 3. j.	Sandal	}	rub 3. 6.
	Sauit			Coral		
	Fungi cernini			Os de corde cerui		
	Radicis onule cāpane			Puluis electuarij de gē		
	Valeriane			mis. 3. ij.		
	Scabiose ariste rotūde					

Puluerizentur omnia/ das in ampferwasser eingenommen ein halb
 quintlein.

¶ Item die latwergen so in der apotecken mit einem ay saffran vñ
 tiriack gemacht wūrdt/ist auch seer gut/vñ an vil personē bewert.

¶ Ein ander gut puluer.

Pulueris cordialis 3. ij.
 Cornu cerui rasi 3. 6.
 Seminis sancti 3. 6.
 Nitre 3. 6.
 Ex aceto acerrimo et subet.

¶ Ein ander puluer.

Leuistici }
 Boli armeni } das. 3. j.
 Enule campane }

¶ Desß gleichen die armen leut/mögen ye bey weilen nemen wachol
 terber/nuß vnd rauten auß einem eßig. Item eingemacht bißend-
 len/vnd ist gut das alle tag mit der gleichē preseruatiuen abgewe-
 chselt/damit sie mit meher außgewonheit der natur zu einer speiß/

dan arznei werden.

¶ Es werden auch von den verständigen der arznei (alls son-
dere Cordial zu sterckung des hertzens vnd der glieder gelobe) zu-
tragen einen Jacincte vnd Saphir/es sey an der hand oder sunst
das sie die plossen haude berühren/dieweil die selben stein sondere
tugēt vnd krafft haben/das hertz zu stercken.

Item mayen puttern nüchtern oder vor dem essen genomē ist auch
gut/auch alle seiste ding/vnnd sonderlich ist auch für ein pre-
servatiue/bede gleichen auch einem vergiffen für ein remedium
nütz vnd gut/paumöl zutrincē/dan das nimpt die gift an sich
vnd treibt das vom menschen.

¶ Sonderlich ist nutz/gut vnd fruchtbar zu zeiten der pestilenz
den leib mit ob gemelten Pillulen/oder beyweilen mit zepfflin od
Cristum offen zu behalten/das würdet von allen bewerten arzte
geraten.

¶ Item der selben zeit/ sollen vnmesig füllerey vnd beschwerig
des leibs fürkommen vnd on vrsach nit geessen werde/dan von ei-
nem mal zu dem andern/ auch nit anderst dan mit einē lust/dar-
rumb ist/wie die arzt alle gemeinlich dauon reden/ein großer ir-
sal des gemeinen volcks opinion vnd anzeigen/alls ob zu zeit
der pestilenz/der mensch sich stetigs füllen/vnd nymer nüchtern
sein soll/ist auch zu entpflung diser krankheit ganz widerwer-
tig.

¶ Dein speiß sol sein von leichtewiger kost/damit würdet auß
geschloffen vnd widerratē alle grobe speiß/als schweynen fleisch
sawkraut/vil frucht/vnd der gleichen/die putrefaction vnd fer-
lung im magen geben/vnd sonderlich ist ganz nutz/gut vnd
fruchtbar in zeit der pestilenz vil süß dings zu fliehen / vnd sich
zu der speiß krefftiger gewurtz/als zymet vnnd sümmenlich essig
salzen von sawrampffer zugeprauchen. Gleich die starckē wein
vnd neisse zymlichs trancks/als Neckar wein Berckstrasser vnd
ander wein/vnd ob sie dich zu starck beduncken wolten /ist gut
die mit ein wenig gersten wasser zumischen/des gleichē enthalte

dich von vil vnleisichen werden/ von vil badens. Item von vil arbeit vnd grosser vbung zuvor auff das essen/ vnd die mit dem hirn vnd kopff geschehen.

¶ Dises seind für regel vnd preseruatiue gesetzt diser seichē damit zukommen/ als auch ein yeder/ wo er sich dem gemess helt/ vermittelst gotlicher hilff sollicher kranckheit wol entpflihen mag.

¶ Ob aber yemandt mit sollicher kranckheit begriffen vñ vergifft würd/ seind aber mals andere ordenung vnd reme dia nachuolgender gestalt zugeprauchen.

¶ Wan der mensch mit diser kranckheit behafft vñ vergifft würd des mag er nach nachuolgende zeichen nemen/das in ein böß pestilenzisch fieber/ als kelt vnd hitz zusamē anwürfft/er hat einē granē zuessen/vnd wolte sich gern vndewen/ist ganz schwermütig/vnd zum schlaff vor andern dingen geneigt/vnnd hat einen sondern grossen wetzen des haupts.

¶ Vnd so er diser zeichen entpfindet/sol er nie zu stund einen schrecken entpfahē/oder da für achtē/das er als bald sterbē müß/dan der selb schreck vnd imagination/schwecht das hertz/vnd meret die kranckheit/zu sampt dem/das auch denen/so beyzeit künien/ ein gutter trost vorstet/ sollicher kranckheit/durch die nachuolgenden remedia/vnd fürmenlich durch ein rechten vertragen in got/entlediget zuwerdē.

¶ Als bald nun der mensch diser kranckheit durch die voranges zeigten zufelligen oder voilauffenden zeichē entpfindet/sol er weder durch schrecken/forcht oder verzagetit nit verziehen oder sich schmyegē arznei zunemen/dan dieweil dises ein geher zufall vñ zunehmende kranckheit ist/wie wir auch durch erfarenheit teglich entpfinden/so erfordert auch die einer schnellen vnuerzoglichen arznei Soll als pald bey einem verstandigen arzet rathe suchen wie ime nach gestalt sollicher kranckheit mög geholffen werden dan dieweil diß pestilenzisch fieber vnd die vergiftung/ zuzeit mit kelt/zuletzt mit frost kñpt/ist nit möglichen alweg ein gleichē

messige artzney zunamen oder zugebē/ dan zu einer hüzige krank-
heit hüzige remedia/ vnd herwiderumb zu einer kalten kälte artz-
neyen zugebrauchē ist (wie ein yeder verstehen mag) nachteilig vñ
beschwerlich/ zu dem das auch ein verständiger artz zu yedē ma-
le des menschen complexion /trafft oder eigenschafft leichtlich
erkennen/ vnd darumb defter statlicher hilff mit teilen mag.

¶ Aber in gemein/ vnd wo yemand den artzt nit haben oder zu
sich püngen möchte. Ist not in achtung zuhabē/ das sich ein ye-
der trækker vor allē dinge hüt/ zum wenigstē ein tag vnd nacht
nach empfangener krankheit nit zuschlaffen/ dan der schlaff ist
einem vergiften mit diser krankheit ein mæung vnd sterckung
des giffte/ Darnach sol der mēsch vñ stund an zu adern lassē/ vnd
allweg an der seiten/ daran er empfindet/ das jme ein apostema
auffgeschossen were/ oder auffrē wolte/ wie solliche die doctor
der artzney vnd verstendigen wunderzt oder barbierer wissen/ vñ
daßey vnderschied vnd anzeigūg zugebē/ wie vil pluts/ auch wel-
che adn jme zuschlagē sey. Aber gut ist es/ die adern obē an d hēte
etwas weit zumachen/ damit das vergifft dicke gepliet defter che
vom mēschē gelassen werde mög/ vnd ratē die verstēdige doctor/
das dem kranken das gepliet/ wo ers anderß vermag/ ein gut
teil gelassen werden soll/ dan in diser ferlichen krankheit müssen
auch ander vngewonliche remedia geprauchet werden.

¶ Den jungen aber die vnder zwölff jaren sind/ sollē für dz ader
lassen kōpff gesetzt werde/ wie diß die artzt gleicher weiß wissen
anzeigung zugebē.

¶ Nachuolgend soll der kranck vñnd vor der aderlaß zum stul-
gang getriben werden/ es sey durch ein zepfflein/ oder geringe cli-
stier mit cassia fistula vermengt.

¶ Vnd sol darauff einnemen dißes nachuolgend recept.

℞ Aque } Rosarum }
 } Buglosse } añ. ʒ. i.
 } Mellisse }

Acetof. 3. f.

Metridatis et Turface electe et optimi an. 3. f.
Specierum confectionis contra peste. } an. 3. f.
vel specierum liberantis
miscantur omnia simul.

¶ Dises getranck soll der kranck also warm austrincken / vnnnd also bald souil er mag darauff schwitzen / vnd ob er keinē schweiß natürlich haben möcht / soll ime der mit heißen ziegelsteine zu seinē füessen gelegt vnd warm zugedeckt / gemacht werden / vnnnd soll der kranck dem schweiß souil möglich / vnd so lang er mag / stat geben.

¶ Etlich geprauchten einzunemen der latwergen mit dem ay vnnnd saffran gemacht / wie die in den apoteken gefunden werden etlich diß / die andern ihens / wie dan zu Nürenberg bey der gemeinen Burger schafft / auch in den apoteken vberflüssig vil remedia von gütem Tynack / electuarien / puluere vnd wassern gefunden werden / darumb ich die gar oder eins teils zusetzen vnterlaß / aber für andere ist zu Nürenberg in der apoteken bey vnser frawē ein kostlich electuarium / doctor Lorenz Beheimbs electuarium genannt / Vñ dan in der apoteken vnderhalb des Rathaus ein aqua vite vnd zugehöriger Bolus verordēt / die für andere bewert sein sollē anzunemē / vnd vorgemelter massen darauff zuschweizen.

¶ Zuuo: ist not das hertz des kranken für vnd für zutreffigen / vnd soll ime auff einem sawern subtilen tüchlin auff das linck püßlein dißes hertz wasser also loe vbergeschlagen werden.

Re aque { Clematis
Rosarū } an. 3. ij.
Mellisse }

Re { Boraginis
Buglosse } an. 3. j.
Acetof }

℞ Aceti vini albi specierum confectionis cordialis cōtra po-
stem misceantur omnia.

¶ Item dem krancken ist nutz das angesicht vnd die puls für vñ
für mit nachuolgende krefftigē wassern zubestreichē / das sterckt
vnd krefftigt das hertz vnd diemenslichen gaist.

℞ Aque	{	Rosarum	℥. iij.	{	Misceatur et i ampula be- ne obstoretur.
		Violarum	℥. i. 6		
		Florū nansaris.	℥. i. 6		
		Sādalorū citri.	℥. i. 6		
		Trocis de cāpho.	℥. iij.		
		Campho	℥. v.		
		Musti	℥. v.		
		Aceti	℥. 6.		

¶ Oder den krancken mit einem guten rosenwasser/vmnd darinn
ein guten rosen essig vermische/wie obblaut zubestreichen.

¶ Item gutt ist es des krancken gemach mit dem obgemelten pul-
uer offtt im tag vnd nacht zubereichen.

¶ Vnd wo der kranck so vernüglich were das gemach ein mal
oder zwey zuendern vnd ine in ein frisch gemach zulegen.

¶ Im ist auch leucht dawige speiß vnd mit zuuñl auffein mal zu
geßen.

¶ Aber auff dz apostema sol man dises pflaster legen/ dz zeucht
die giftt herauß. Vñm zwō gebraten zwifel/hölder die oben auß
thue die vol guts Tiriack's / vnd mach die wider zu mit dē heupt-
lein/damit der tiriack nit herauß fließ/vnd las die in einem aschē
praten/vnd dan zerstoßen/vber das apostema gelegt /etlich mi-
schen auch darunder ein wenig essig.


¶ Die andern aber geprauchē sich nach d' aberlaß vnd obgemel-
ter artzney/welchs auch von den doctorn hoch berümbt würdet/
das sie einem jungen han hinten den hinten ganz plut berauße

sen den schnabel zutrucke/vnd mit de hindern auff dz geschwer
hale/vnd ob der han von außgezogner giffst stürb/das mit ane
andern ob mehr pis einer lebendig pleyße/ob gander maß zuthun
ist ein bequeme gute außziehung des giffte.


Multa flagella peccatoris. Sperantem
autem in domino Misericordia circūdabit

Geruckt in der keislichen Stat Nürnberg durch
Frydrichen Preypus/vnd seliglich volende
am. 6. tag Marcij/des jare do man zalt
nach Chriſti vnſers ließen haren
geßurt. M.D. ff.











Osterreichische Nationalbibliothek



+Z164526506



Österreichische Nationalbibliothek



+Z164526506



Österreichische Nationalbibliothek



+Z164526506

